

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

বৃহস্পতিবার, ফেব্রুয়ারী ৫, ২০০৪

গণপ্রজাতন্ত্রী বাংলাদেশ সরকার

স্বরাষ্ট্র মন্ত্রণালয়

আনসার শাখা

প্রজ্ঞাপন

তারিখ, ২৩ মাঘ ১৪১০/৫ ফেব্রুয়ারী ২০০৪

এস, আর, ও নং ২৫ আইন/২০০৪—আনসার বাহিনী আইন, ১৯৯৫ (১৯৯৫ সনের ৩নং আইন) এর ধারা ১৩ তে প্রদত্ত ক্ষমতাবলে সরকার নিম্নরূপ বিধিমালা প্রণয়ন করিল, যথা :—

১। সংক্ষিপ্ত শিরোনাম।—এই বিধিমালা আনসার বাহিনীর কর্মকর্তাদের পোষাক বিধিমালা, ২০০৪ নামে অভিহিত হইবে।

২। বিধিমালার প্রাধান্য।—The Ansars Rules, 1948 এ যাহা কিছুই থাকুক না কেন, আনসার বাহিনীর কর্মকর্তাদের পোষাকের ক্ষেত্রে এই বিধিমালা কার্যকর থাকিবে।

৩। আনসার বাহিনীর কর্মকর্তাদের পোষাক।—এই বিধিমালার অন্যান্য বিধান সাপেক্ষে, আনসার বাহিনীর কর্মকর্তাদের পোষাক হইবে নিম্নরূপ, যথা :—

(ক) পিক ক্যাপ/ব্যারেট ক্যাপ/ফিল্ড ক্যাপ ;

(খ) বুশ শার্ট/ফুল শার্ট ;

(গ) ফুল প্যান্ট/ট্রাউজার ;

(ঘ) বেস্ত ;

(ঙ) উলেন জার্সি ;

(৩১৯)

মূল্য : টাকা ৩'০০

- (চ) উইন্টার কোর্ট ;
 (ছ) ফরমেশন সাইন ;
 (জ) নেমপ্রেট ;
 (ঝ) সোল্ডার টাইটেল ;
 (ঞ) কালো বুট (ডিএমএস)/কেডস/জংল বুট/অক্সফোর্ড স্যু ;
 (ট) কালো মোজা (উলেন/নাইলন) ;
 (ঠ) হাফ প্যান্ট (শর্টস) ;
 (ড) ভেস্ট (কটন) ।

৪। বিভিন্ন ক্যাপের ব্যাজ।—(১) আনসার বাহিনীর কর্মকর্তাদের বিভিন্ন ক্যাপের ব্যাজ হইবে নিম্নরূপ, যথাঃ—

- (ক) পিক ক্যাপ ও ইহার ব্যাজঃ—পিক ক্যাপের রং হইবে গাঢ় কালো এবং ইহার ব্যাজ $8\frac{1}{2}$ ইঞ্চি গভীরতা বিশিষ্ট তিনটি কাপড়ের ফালিযুক্ত হইবে। $2\frac{1}{8}$ ইঞ্চি বৃত্তাকার বিশিষ্ট ক্যাপের উপরিভাগে ব্যাস হইবে $10\frac{1}{4}$ ইঞ্চি। ক্যাপের প্রতি $\frac{1}{8}$ ইঞ্চি ব্যাস হ্রাস/বৃদ্ধির জন্য উপরিভাগে $\frac{1}{8}$ ইঞ্চি কম/বেশী হইবে এবং পার্শ্বদেশে $2\frac{1}{4}$ ইঞ্চি চওড়া বিশিষ্ট ৪ ফালি কাপড় দ্বারা তৈরী হইবে। পিক ক্যাপের সামনের বর্ধিত অংশ বাকানো থাকিবে, যাহা মাঝামাঝি স্থানে সর্বোচ্চ $1\frac{1}{8}$ ইঞ্চি চওড়া হইবে। বর্ধিত অংশ ক্যাপের দুই টুকরা কাপড়ের সংযোগ স্থল পর্যন্ত দুইদিকে বিস্তৃত থাকিবে। বর্ধিত অংশের উপরে উত্তলাকারে কালো রেশমী কাপড়ের একটি ব্যান্ড থাকিবে। পিক ক্যাপের বর্ধিত অংশের সংযোগ স্থলে $\frac{1}{8}$ ইঞ্চি চওড়া বিশিষ্ট শক্ত চামড়ার একটি ব্যান্ড থাকিবে। উক্ত ব্যান্ড ক্যাপের বর্ধিত অংশ হইতে দুইদিকে $\frac{1}{2}$ ইঞ্চি করিয়া বর্ধিত থাকিবে এবং বর্ধিত অংশের প্রান্ত বরাবর আনসার ভিডিপি মনেপ্রামযুক্ত বোতাম লাগানো থাকিবে। বোতাম $\frac{1}{4}$ ইঞ্চি ব্যাসের এবং রূপালী রং এর হইবে ; এবং—

- (অ) মহাপরিচালক পদের জন্য শক্ত চামড়ার উপরে ক্যাপের সামনের বর্ধিতাংশে সোনালী রং এর জরি দ্বারা তৈরী অক (OAK) লীফ নকশা থাকিবে। ক্যাপের চতুরপার্শ্বে $1\frac{1}{2}$ ইঞ্চি চওড়া বিশিষ্ট সবুজ মখমল কাপড়ের ব্যান্ড থাকিবে। ক্যাপ ব্যাজ হইবে গাঢ় সবুজ রং এর হইবে এবং তাহার উপরে ধানের শীষ দ্বারা পরিবেষ্টিত সোনালী রং এর তলোয়ার ও ব্যাটন আড়াআড়ি ভাবে থাকিবে এবং ক্রসড সোর্ড ও ব্যাটনের সংযোগ স্থলের ঠিক উপরিভাগে একটি শাপলা থাকিবে।

- (আ) উপ-মহাপরিচালক, পরিচালক এবং উপ-পরিচালক পদের জন্য মহাপরিচালক পদের অনুরূপ হইবে, তবে ক্যাপের বর্ধিতাংশের সামনের দিকে অক (OAK) লীফ নকশা সীমিত থাকিবে এবং ক্যাপব্যাজ গাঢ় সবুজ রংয়ের হইবে, যাহার উপরে সোনালী রংয়ের জরি দ্বারা তৈরী একটি চারকোনাকৃতির তারকা ধানের শীষ দ্বারা পরিবেষ্টিত থাকিবে এবং চারকোনাকৃতি তারকার মাঝখানে দুইটি পাটপাতাসহ একটি শাপলা ফুল খচিত থাকিবে ;
- (ই) সহকারী পরিচালক, সিনিয়র উপ-সহঃ পরিচালক এবং উপ-সহকারী পরিচালক পদের জন্য শক্ত চামড়ার উপরে ক্যাপের সামনের বর্ধিতাংশে সোনালী রংয়ের জরি দ্বারা তৈরী ধানের শীষ ক্যাপের দুই প্রান্ত হইতে শুরু হইয়া মাঝখানে মুখোমুখি মিশিবে এবং সংযোগস্থলে পাঁচকোনাকৃতির তারকা থাকিবে এবং ক্যাপব্যাজ সবুজ কাপড়ের উপরে ধান ও গমের শীষ দ্বারা পরিবেষ্টিত সোনালী জরি দ্বারা তৈরী দুইটি পাট পাতার সাথে একটি শাপলা থাকিবে ।
- (খ) ব্যারেট ক্যাপ ও ইহার ব্যাজ :- ব্যারেট ক্যাপের রং হইবে গাঢ় সবুজ এবং ইহার ব্যাজ—
- (অ) মহাপরিচালক, উপ-মহাপরিচালক, পরিচালক এবং উপ-পরিচালক পদের জন্য পদমর্যাদা অনুযায়ী পিক ক্যাপের অনুরূপ হইবে ;
- (আ) সহকারী পরিচালক পদের জন্য সবুজ কাপড়ের উপরে ধান ও গমের শীষ দ্বারা পরিবেষ্টিত সোনালী জরি দ্বারা তৈরী দুইটি পাট পাতার সাথে একটি শাপলা থাকিবে এবং শাপলার নীচে এবং ধান ও গমের শীষের মাঝে সমান্তরালে 'আনসার' শব্দটি বাংলায় খচিত থাকিবে ;
- (ই) সিনিয়র উপ-সহকারী পরিচালক এবং উপ-সহকারী পরিচালক পদের জন্য সবুজ কাপড়ের উপরে ধান ও গমের শীষ দ্বারা পরিবেষ্টিত সাদা জরি দ্বারা তৈরী দুইটি পাট পাতার সাথে একটি শাপলা থাকিবে এবং শাপলার নীচে এবং ধান ও গমের শীষের মাঝে সমান্তরালে 'আনসার' শব্দটি বাংলায় খচিত থাকিবে ;
- (ঈ) সার্কেল অ্যাডজুট্যান্ট ও তদনিম্ন পদের জন্য ধানের শীষ দ্বারা পরিবেষ্টিত সাদা ধাতব নির্মিত একটি মনোগ্রাম থাকিবে, যাহার নিম্নদেশে ২৯ মিঃ মিঃ দৈর্ঘ্য এবং ০৬ মিঃমিঃ প্রস্থ "আনসার" শব্দ খচিত এবং ৩৫ মিঃ মিঃ পরিমাপের একটি উদীয়মান সূর্য এবং উপরে ধানের শীষছয়ের শীর্ষদেশ দ্বারা যুক্ত একটি তারকা থাকিবে ।
- উল্লেখ্য, এই মনোগ্রাম ব্যারেট ক্যাপের বাম পার্শ্বে পরিধান করিতে হইবে ।
- (গ) ফিল্ড ক্যাপ ও ইহার ব্যাজ :- ফিল্ড ক্যাপের রং হইবে খাকী, এবং ইহার ব্যাজ—
- (অ) মহাপরিচালক পদের জন্য ২টি পাঁচ কোণাকৃতির তারকা বিশিষ্ট হইবে ;
- (আ) উপ-মহাপরিচালক পদের জন্য ১টি পাঁচ কোণাকৃতির তারকা বিশিষ্ট হইবে ।
- (২) প্রেষণে আগত কর্মকর্তাগণ স্ব-স্ব বাহিনীর ক্যাপ ব্যবহার করিবেন ।

৫। বিভিন্ন কর্মকর্তার জর্জেট প্যাচ।—(১) এই বিধিতে বর্ণিত আনসার বাহিনীর বিভিন্ন কর্মকর্তার জর্জেট প্যাচ থাকিবে এবং জর্জেট প্যাচের সহিত—

- (ক) মহাপরিচালক পদের জন্য সোনালী রংয়ের অক লীফ থাকিবে ;
- (খ) উপ-মহাপরিচালক পদের জন্য সোনালী রংয়ের পুরু ট্রেসিং ব্রেইড থাকিবে ;
- (গ) পরিচালক পদের জন্য সোনালী রংয়ের সরু ট্রেসিং ব্রেইড থাকিবে ;
- (ঘ) উপ-পরিচালক পদের জন্য রূপালী রংয়ের সরু ট্রেসিং ব্রেইড থাকিবে ।

(২) সিডি ও শার্টের সহিত জর্জেট প্যাচের সাইজ হইবে নিম্নরূপ, যথাঃ

- (ক) শার্ট : ২ ইঞ্চি \times ১ ইঞ্চি ;
- (খ) সিডি : $৩\frac{১}{২}$ ইঞ্চি \times $১\frac{১}{২}$ ইঞ্চি ।

(৩) প্রেষণে আগত কর্মকর্তাগণ স্ব-স্ব বাহিনীর জর্জেট প্যাচ ব্যবহার করিবেন ।

৬। বিভিন্ন কর্মকর্তার কোশেস (Coshes) ও রেজিমেন্টাল স্টীক (Regimental Stick)।—

(১) মহাপরিচালক, উপ-মহাপরিচালক, পরিচালক এবং উপ-পরিচালক পদ মর্যাদার কর্মকর্তাগণ কোশেস ব্যবহার করিবেন ।

(২) সহকারী পরিচালক/ব্যাটালিয়ন অধিনায়ক/জেলা অ্যাডজুট্যান্ট পদমর্যাদার কর্মকর্তাগণ রেজিমেন্টাল স্টীক ব্যবহার করিবেন, তবে কোন ভারপ্রাপ্ত বা চলতি দায়িত্বপ্রাপ্ত বা সাময়িক দায়িত্বপ্রাপ্ত সহকারী পরিচালক/ব্যাটালিয়ন অধিনায়ক/জেলা অ্যাডজুট্যান্ট রেজিমেন্টাল স্টীক ব্যবহার করিতে পারিবেন না ।

(৩) প্রেষণে আগত কর্মকর্তাগণ স্ব-স্ব বাহিনীর কোশেস ব্যবহার করিবেন ।

(৪) আনসার বাহিনীর কর্মকর্তাগণের কোশেস হইবে নিম্নরূপ, যথাঃ—

- (ক) উপকরণ : অর্ডিনারী পোল স্টিক কেইন বা মাল্টাকোয়া কেইন (Ordinary pole stick cane or maltacoa cane) ;
- (খ) দৈর্ঘ্য : ২ ফুট ;
- (গ) ব্যাস : $\frac{১}{২}$ ইঞ্চি হতে $\frac{১}{৪}$ ইঞ্চি ;
- (ঘ) আকৃতি : গোলাকৃতি বা ফ্ল্যাট কাট (Round or flat cut) ।

(৫) আনসার বাহিনীর কর্মকর্তাগণের রেজিমেন্টাল স্টিক ২ ফুট দৈর্ঘ্য বিশিষ্ট স্টিকের বাইরের উপরিভাগের অংশে $১\frac{১}{২}$ ইঞ্চি ব্যাসার্ধের আনসার-ভিডিপি এর সম্মিলিত মনোগ্রাম থাকিবে এবং স্টিকের দুপ্রান্ত হইতে ৩ ইঞ্চি পর্যন্ত এ্যালুমিনিয়াম দ্বারা মোড়ানো থাকিবে ।

৭। বিভিন্ন র্যাংকের ব্যাজ।—(১) আনসার বাহিনীর কর্মকর্তাদের বিভিন্ন র্যাংকের ব্যাজ হইবে নিম্নরূপ, যথাঃ—

- (ক) মহা-পরিচালক পদের জন্য সাদা ধাতব পদার্থের ক্রসড সোর্ড ও ব্যাটন এবং একটি চারকোণাকৃতির তারকা;
- (খ) উপ-মহাপরিচালক পদের জন্য সাদা ধাতব পদার্থের একটি শাপলা ও তিনটি চারকোণাকৃতির তারকা;
- (গ) পরিচালক পদের জন্য সাদা ধাতব পদার্থের একটি শাপলা ও দুইটি চারকোণাকৃতির তারকা;
- (ঘ) উপ-পরিচালক পদের জন্য সাদা ধাতব পদার্থের একটি শাপলা ও দুইটি চারকোণাকৃতির তারকা;
- (ঙ) সহকারী পরিচালক পদের জন্য সাদা ধাতব পদার্থের একটি শাপলা, তবে এই পদের ৫ বছরসহ ১ম শ্রেণীর পদে মোট ১৩ বছর চাকুরি পূর্তির পর সাদা ধাতব পদার্থের একটি শাপলা ও একটি চারকোণাকৃতির তারকা;
- (চ) সিনিয়র উপ-সহকারী পরিচালক পদের জন্য সাদা ধাতব পদার্থের তিনটি চারকোণাকৃতির তারকা;
- (ছ) উপ-সহকারী পরিচালক পদের জন্য সাদা ধাতব পদার্থের দুইটি চারকোণাকৃতির তারকা;
- (জ) সার্কেল অ্যাডভুট্যান্ট/কোম্পানী কমান্ডার পদের জন্য সাদা ধাতব পদার্থের একটি চারকোণাকৃতির তারকা;
- (ঝ) সহকারী অ্যাডভুট্যান্ট/ইউএভিডিও পদের জন্য সাদা ধাতব পদার্থের একটি চারকোণাকৃতির তারকা;
- (ঞ) উপজেলা প্রশিক্ষক/উপজেলা প্রশিক্ষিকা পদের জন্য সাদা ধাতব পদার্থের চারকোণাকৃতির দুইটি ফুল এবং 'আনসার' সোন্ডার টাইটেলের উপরে আধ ইঞ্চি চওড়া বিশিষ্ট সবুজ ফিতা।

(২) চারকোণাকৃতির প্রতিটি তারকা ও ফুলের উপরে শাপলা প্রতীক এনগ্রেভড করা থাকিবে।

(৩) সকল জর্জেট প্যাচ গাঢ় সবুজ রং এর হইবে।

(৪) সহকারী পরিচালক ও তদনিম্ন পদবীর কর্মকর্তা ও কর্মচারী "আনসার" খচিত দুটি সোন্ডার টাইটেল পরিধান করিবেন।

(৫) প্রেষণে আগত কর্মকর্তাগণ স্ব-স্ব বাহিনীর ব্যাজেজ অব র্যাংক পরিধান করিবেন।

৮। গ্রীষ্মকালীন পোষাক।—(১) এই বিধিমালার অন্যান্য বিধিতে যাহা কিছুই থাকুক না কেন, আনসার বাহিনীর প্রথম শ্রেণীর কর্মকর্তাগণ গ্রীষ্মকালে নিম্নরূপ বুশ শার্ট পরিধান করিবেন, যথাঃ—

- (ক) সামনের দিক খোলা এবং আস্তিনসহ (Cuff) ফুলহাতা শার্ট;
- (খ) সামনের দিকে নিচের অংশে কোমর (Waist line) বরাবর সোজা ঢাকনাসহ দুইটি বুলন্ত (Hanging) পকেট থাকিবে, পকেটের দৈর্ঘ্য ২১.৫ সে.মি. ($৮\frac{১}{২}$ ইঞ্চি) এবং প্রস্থ ১৮ সে.মি. (৭ ইঞ্চি), পকেটের ঢাকনার দৈর্ঘ্য ৭.৫ সে.মি. (৩ ইঞ্চি) এবং প্রস্থ ১৮ সে.মি. (৭ ইঞ্চি) হইবে এবং ঢাকনার সহিত পকেটের দুই কোনায় দুইটি চাপ দিয়ে আটকানো যায় এমন দুইটি বোতাম (Press Stud) থাকিবে যা বাহির হইতে দেখা যাইবে না;
- (গ) পয়েন্টেড (Pointed) ঢাকনাসহ দুটি বুক পকেট থাকিবে। ঢাকনার সহিত পকেটের দুই কোনায় চাপ দিয়ে আটকানো দুইটি বোতাম (Press Stud) থাকিবে যাহা বাহির হইতে দেখা যাবে না। পকেটের উপরে মাঝ বরাবর ভাঁজ দেওয়া পিট (Pleat) থাকিবে। বুক পকেটের দৈর্ঘ্য ১৪.৫ সে.মি. ($৫\frac{৩}{৪}$ ইঞ্চি) এবং প্রস্থ ১৩ সে.মি. (৫ ইঞ্চি)। ঢাকনার দৈর্ঘ্য ৪ সে.মি. ($১\frac{১}{২}$ ইঞ্চি) প্রস্থ ১৩ সে.মি. (৫ ইঞ্চি) এবং ঢাকনার মধ্যবিন্দুর (Center) দৈর্ঘ্য হবে ৬ সে.মি. ($২\frac{১}{২}$ ইঞ্চি) ;
- (ঘ) শার্টের দুই পাশে নীচ হইতে শুরু করিয়া ২৩ সে.মি. (৯ ইঞ্চি) খোলা থাকিবে ;
- (ঙ) শার্টের পিছনের দিকে ঠিক মাঝখানে সেলাই বরাবর একটি ভাঁজ দেওয়া পিট (Pleat) থাকিবে এবং এর নীচ দিকের প্রান্ত হইতে ২০ সে.মি. (৮ ইঞ্চি) খোলা থাকিবে।
- (চ) ১৭৩ সে.মি. (৫ ফিট-৮ ইঞ্চি) পর্যন্ত উচ্চতা বিশিষ্ট কর্মকর্তার শার্টের সামনের কলারের প্রস্থ হবে ৮.২৫ সে.মি. ($৩\frac{১}{৪}$ ইঞ্চি) এবং ১৭৩ সে.মি. (৫ ফিট ৮ ইঞ্চি) এর বেশী উচ্চতার কর্মকর্তার জন্য সামনের কলারের প্রস্থ হইবে ৮.৯০ সে.মি. ($৩\frac{৩}{৪}$ ইঞ্চি)।
- (ছ) কাঁধের স্ট্রাপের প্রস্থ (Shoulder Straps) হবে ৬.৫ সে.মি. ($২\frac{১}{২}$ ইঞ্চি) এবং দৈর্ঘ্য হবে আনুপাতিক।
- (জ) নিম্ন পদ্ধতিতে ৪টি বড় এবং ৮টি ছোট বোতাম সংযুক্ত থাকিবে, যথাঃ—
- (অ) সামনে ৪টি বড় বোতাম ;
- (আ) পকেটে ৪টি ছোট বোতাম ;
- (ই) কাঁধে ২টি ছোট বোতাম ;
- (ঈ) শার্টের আস্তিনে ২টি ছোট বোতাম ;

(ঝ) সকল পকেটের ঢাকনার (Flaps) বোতামের ঘরগুলো (Bottom edge) হইবে হাতে সেলাই করা ;

(ঞ) ফরমেশন সাইন শার্টের সাথে সেলাই করা থাকিবে।

(২) সাধারণ ভাবে কোন মেডেল পরা যাইবেনা, তবে রিবন বার (Ribbon bar) বুক বরাবর পরিতে হইবে এবং আনুষ্ঠানিকভাবে কোন অনুষ্ঠানে পূর্ণ আকৃতির মেডেল পরিতে হইবে, ইহা ছাড়া পূর্ণ আকৃতির ব্যাজেজ অব র্যাংক পরিতে হইবে, তবে সোল্ডার টাইটেল পরা যাইবেনা।

(৩) ৫ ছিদ্রযুক্ত কালো রঙের অক্সফোর্ড জুতা পরিতে হইবে।

(৪) যে সকল কর্মকর্তার জর্জেট প্রাধিকৃত নয় সে সকল কর্মকর্তা বাহিনীর লোগোর অনুরূপ ক্ষুদ্রাকৃতির ব্যাজ পরিধান করিবেন।

(৫) কর্মকর্তাগণ বুশ শার্টের উপাদানের তৈরী ট্রাউজার পরিধান করিবেন যাহা পরিবর্তনযোগ্য বেসামরিক ট্রাউজারের অনুরূপ হইবে এবং ট্রাউজারে সোজা পার্শ্ব পকেট থাকিবে, তবে ওল্টানো কোমর বন্ধনী, পিট (Pleat) হিপ পকেট এবং বেল্ট লুপ থাকিবেনা।

(৬) যে কোন আউটডোর বা ইনডোর অনুষ্ঠানে ১লা মার্চ হইতে ৩০শে নভেম্বর পর্যন্ত সময়ের মধ্যে এই বিধিতে উল্লিখিত ড্রেস পরিধান করিতে হইবে এবং উক্ত সময়ের মধ্যে বর্ণিত পোষাক যদি আনুষ্ঠানিক পোষাক হিসাবে নির্ধারিত হয় তাহা হইলে পূর্ণ আকৃতির মেডেলসহ উহা পরিধান করিতে হইবে এবং এই পোষাক যদি সার্ভিস ড্রেস হিসাবে ব্যবহৃত হয় তাহা হইলে শুধু রিবন এবং পিক ক্যাপ ব্যবহার করিতে হইবে।

(৭) এই বিধিতে বর্ণিত পোষাক বর্ণিত সাপ্তাহিক ও মাসিক দিনার নাইটে রিবন ও পিক ক্যাপসহ পরিধান করা যাইবে।

(৮) প্রেষণে আগত কর্মকর্তাগণ স্ব-স্ব বাহিনীর আনুষ্ঠানিক পোষাক পরিধান করিবেন।

৯। শীতকালীন পোষাক।—(১) এই বিধিমালার অন্যান্য বিধিতে যাহা কিছুই থাকুক না কেন, আনসার বাহিনীর প্রথম শ্রেণীর কর্মকর্তাগণের শীতকালীন পোষাক হইবে নিম্নরূপ, যথা ঃ—

(ক) হালকা খাকী রং এর আনুষ্ঠানিক পোষাক ঃ—একই রং এর ফুল শার্ট, ফুল প্যান্ট, টাই এবং কালো অক্সফোর্ড জুতা ও কালো মোজা ;

(খ) কাপড় ঃ—হালকা খাকী রং এর কাপড়, সুতা পলিষ্টার ও কটন মিশ্রিত ;

(গ) আনুষ্ঠানিক পোষাকের বিবরণ ঃ—একই কাপড়ের কাঁধে সোল্ডার, বুক পকেট দুইটি এবং নীচের পকেট দুইটি ;

(ঘ) ছোট বোতাম ঃ—আনসার মনোগ্রাম খচিত দেড় সেন্টিমিটার ব্যাস বিশিষ্ট পিতলের উপর সাদা নিকেল করা বোতাম। চার পকেটে চারটি এবং সোল্ডারে একটি করিয়া দুইটি ;

- (ঙ) বড় বোতাম :—আনসার মনোধ্যাম খচিত দুই সেন্টিমিটার ব্যাস বিশিষ্ট পিতলের উপর সাদা নিকেল করা বোতাম, শার্টের বুক পেটে চারটি ;
- (চ) ফুল শার্ট টাই কলার :
- (ছ) ফুল প্যান্ট :—সাইড পকেট দুইটি এবং পিছনের হিপ পকেট একটি। প্যান্ট ছোট বড় করার জন্য দুই দিকে কাপড়ের ছক বেস্ট।
- (২) প্রেষণে আগত কর্মকর্তাগণ স্ব-স্ব বাহিনীর আনুষ্ঠানিক পোষাক পরিধান করিবেন।
- (৩) বিধি-৮ এর উপ-বিধি (৬) এ বর্ণিত সময় ব্যতীত অন্যান্য সময়ে অনুষ্ঠিত যে কোন আউটডোর বা ইনডোর অনুষ্ঠানে এই বিধিতে উল্লিখিত ড্রেস পরিধান করিতে হইবে।

রাষ্ট্রপতির আদেশক্রমে
মাহবুবুর রহমান
যুগ্ম-সচিব।

শেখ মোঃ মোবারক হোসেন (উপ-সচিব), উপ-নিয়ন্ত্রক, বাংলাদেশ সরকারী মুদ্রণালয়, ঢাকা কর্তৃক মুদ্রিত।

মোঃ আমিন জুবেরী আলম, উপ-নিয়ন্ত্রক, বাংলাদেশ ফরম ও প্রকাশনা অফিস,

তেজগাঁও, ঢাকা কর্তৃক প্রকাশিত।